





姓韻卷三十五

成威張

對纂



七陽中

襄 見風俗通廣韻

左傳襄公二十三年齊侯伐衛寧成御襄罷師又襄伊死  
于崔子之難見襄公二十五年傳

韓非子魏鄴令襄疵陰善趙王左右趙王謀襲鄴襄疵輒  
先聞而先言之魏王備之按呂氏春秋公孫鞅以其私屬  
與母歸魏襄疵不受曰以君之及公子印也吾無道知君



故士自行不可不審也高注襄庇即穰庇

淮南子記論訓鄢陵之戰恭王禽于晉潘崇養由基設黃

襄微舉足蹴其體四大夫載而行遂反郢按今本作潘兀

養由基黃衰微公孫丙相與篡之

司隸校尉魯峻碑孔門弟子有襄子魚襄子孺

陳涉世家葛嬰立襄彊為楚王復殺之

魏相傳高祖時大謁者襄章按漢雜事高祖時大謁者臣

章受詔長樂宮令羣臣議天子所服服以安天下即襄章

也

漢書平原隰陰襄楷字公矩善天文陰陽之術唐藝文志

襄楷太平經一百七十卷按九州春秋陳蕃子逸身術士

平原襄楷會于冀州刺史王芬坐楷曰天文不利宦者黃

門常侍真族滅矣逸喜芬曰若然芬願驅除于是與許攸

等結謀

孝子嚴舉碑陰有弟子襄缺字寧長

晉書李特載記羅尚頻為李特所敗乃阻長圍緣水作營

自都安至犍為七百里與特相距河間王遣督護衙博廣

漢太守張徵討特南夷校尉李毅又遣兵千助尚尚遣督



護張龜軍繁城二道攻特特命次子蕩少子雄襲博特攻  
張龜龜衆大敗蕩與博接戰連日博亦敗績蕩追博至漢  
德博走葭萌蕩進寇巴西巴西郡丞毛植五官襄珍以郡  
降蕩

襄老氏見路史

相 見姓苑姓謹按亦見漾韻

晉書姚興好游畋馮翊相雲作德獵賦以諷興覽而善之  
賜以金帛終弗能改亦見後秦錄

晉書桓溫誣帝有痿疾嬖人相龍計好朱靈寶等參侍內  
寢二美人生二男將建儲立王傾移皇基

南史范陽邁永嘉初侵暴日南九德諸郡交州刺史阮彌  
之遣隊主相道生帥兵赴討攻區粟城不克引還

氏姓謹相傑順天人景泰進士相迪上元人正統舉人任  
知府相樞博興人弘治進士山西叅政相佐錢唐人弘治  
進士相儒烏城人任知縣樓弇山堂別集相迪任知縣相  
樞博平人又有吏科給事中相懋光陽人

將 見姓苑路史

左城成十六年傳鄭子罕伐宋宋將鉏樂懼敗諸洧陂退舍



於夫渠不做鄭人覆之獲將鉏

史記將渠謂燕王曰與人通關約交以五百金飲人之王

使者報而反攻之不祥師無成功王不聽自將偏軍隨之

將渠引王之綬王以足蹴之將渠泣曰臣非自為為王也

真仙位業圖地仙有將先生支子元之師

後趙錄常山太守將容

弇山堂別集將翔如臯人任邯鄲縣丞

將鉏鉏氏見姓纂

漢藝文志陰陽家有將鉏鉏子五曹官制各五篇六國時人

先南公南公稱之按姓纂引藝文志云六國時將鉏鉏彰著

子書五篇

將閻氏見姓誼

莊子將閻勉見季轍曰魯君謂勉也曰請受教辭不獲命

既已告矣未知中否請嘗薦之吾謂魯君曰必服恭儉拔

出公忠之屬而無阿私民孰不敢輯季轍局局然笑曰若

夫子之言于帝王之德猶螳螂之臂以當車轍則必不勝

任矣且若是則其自為處危其臺觀多物將往投迹者眾

將閻勉覩覩然驚曰勉也此若于夫子之所言也雖然願



先生之言其風也按一作蔣閭者誤

將軍氏見世本

按衛將軍文子名彌牟字子之按將軍其官文子其謚彌牟為名子之為字其氏則子南也

將具氏見英賢傳

英賢傳漢章帝時有謁者將具彌

將梁氏見史記按史作將良

將匠氏見風俗通按諸姓書作蔣匠非今改正

英賢傳吳志中散大夫將匠或曲陽令將匠熙晉侍御史

將匠進梁太史令將匠道秀按南史文學傳梁天監八年

祖暄之上書論麻詔使太史令將匠道秀等俟新舊二麻

氣朔交會及七曜行道一作太史令將匠道季者為也

莊見急就章朝伐陳獲司徒印卑宋也

左襄十七年宋莊朝伐陳獲司徒印卑宋也

新序義勇篇楚人莊善者辭其母將死君母曰棄母死君

可乎善曰聞事君內其祿而外其身今所養母者君之祿

請往死之按韓詩外傳作莊之善說苑作莊之義急就章

作莊喜者訛



史記陳軫曰越人莊烏仕楚執圭病楚王曰烏故越之鄙  
細人也今仕楚執圭貴富矣亦思越不中謝對曰彼思越則  
越聲不思越則楚聲使人往聽之猶尚越聲也

還寃記燕臣莊子儀無罪而簡公殺之子儀曰死者無知  
則已若其有知不出三年當使君見之明年簡公將祀于  
祖澤燕之有祖澤猶宋之有桑林國之大祀也男女觀之  
子儀起于道左荷朱杖擊公公斃于車上亦見墨子論衡  
作趙簡子說抱朴子曰子義梧燕簡  
國策莊辛諫頃襄王授執圭

呂氏春秋楚大盜莊躄高注字企足史記莊躄自王於滇  
史記穰苴斬監軍莊賈又陳王涉之御莊賈殺涉降章邯  
史記索隱莊忌字夫子會稽人嚴助夫子之子菀文志莊夫  
子賦二十四篇常侍郎莊蔥音賦十一篇七略莊蔥奇或  
言莊忌夫子之子或言族家子莊助昆弟也助賦三十五  
篇

史記莊熊罷言臨晉民願穿洛以溉重泉以東萬餘頃故  
鹵地誠得水可令灌漑田

夔陽志莊遵字君平蜀人好易老子按揚雄所謂蜀莊湛



冥也本姓蒞避諱改嚴

桓譚新論嚴尤本姓莊字伯石

莊丘氏見廣韻

梁書王僧辯留虎臣將軍莊丘慧達鎮姑孰引軍而前又  
侯景生禽西豐公大春安前司馬莊丘慧主帥霍俊等而  
還

魏書夏侯道遷傳梁以莊丘黑為征虜大將軍秦梁二州  
刺史鎮南鄭黑請道遷為長史帶漢中郡會黑死而道遷  
圖歸順按黑在齊時為軍主陳顯達遣使擊南鄉拔之

常 見路史

世本黃帝臣常儀占月

運斗樞常先為黃帝大司空

藝文志常從日月星氣二十一卷師古曰常從人姓名也  
老子師之按苑說常樞有疾老子往問焉常樞張其口而示  
老子曰吾舌存乎曰然吾齒存乎曰亡

莊子常季問于仲尼曰王駘兀者也從之游者與夫子中  
分魯立不教坐不議虛而往實而歸

左傳齊有常之巫按呂氏春秋管仲曰願君之遠易牙豎



刁常之丞衛公子啟方公曰常之平審于生死之能去苛病猶尚可疑耶

漢書右將軍常惠太原人隨移中監蘇武使匈奴拘留十餘年昭帝時乃還拜光祿大夫使烏孫還封長羅侯河間中尉常麗後漢有常冲常少

魏志常林字伯槐溫人盧毓稱其貞固純粹官太常按魏將軍常雖昇王雙乘油船襲中洲為朱桓所斬

蜀志常播字文平江原人官鄭長驍陽志序志侍中長水校尉常洽字茂尼侍御史常詡字孟元常璩字道將撰

陽國志十二卷按蜀江原常氏族甚繁衍國志目錄義正

郭令常勛字修業州都常忌字茂通閩才湘東太守常騫

字季慎述作戈正平太守常寬恭

十六國春秋丹閔臣常煒後燕中書令常忠北燕黃門郎常陋

魏書常爽字仕明魏太常卿林六世孫也祖珍苻堅南安太守因世亂遂居涼州父坦乞伏世任鎮遠將軍大夏鎮將顯美侯爽少而聰明嚴正有志概博文強識明習緯候武成西征涼土爽與兄士國歸款軍門賜士國爵五品顯



美男與六品拜宣威將軍常置館溫水之右教授門徒七百餘人崔浩高允並稱之

幽明錄河東常醜奴寓章安縣以採蒲為業湖邊見一女  
子容止殊美乘小船載尊投醜奴舍寄住出戶變而為獺  
常丘氏見姓苑

魏魯郡太守張猛龍清德頌碑陰有法曹常丘景祥

常莊氏見吳師道注

國策魏文侯欲殘中山常莊設謂趙桓子曰魏并中山必  
無趙矣公何不請公子傾以為正妻以封之中山是中山

復立也

常壽氏見世本英賢傳路史

左昭五年傳越大夫常壽過帥師會楚子於瑣按史記楚  
靈王會兵于申僂越大夫常壽過注僂辱也

世本宋景公時大夫有常壽邦

常儀氏見世本

按左昭公元年傳莒務婁裔胡及公子滅明以以大厖常  
儀靡奔齊杜注大厖常儀靡莒二邑非也常儀靡當為人

姓名



世本常儀占月

嘗 見風俗通

史記西南夸傳秦時嘗額略通五尺道

又云滇王嘗羌乃留為求道西十餘輩歲餘皆閉昆明莫能通

進士題名錄嘗克念登封縣人崇禎丁丑進士

匡 見風俗通廬山志

周景式廬山記匡俗字子孝本東子出周武王時生而神靈屢逃徵聘廬于此山時人敬事之俗後仙化空廬猶

存世號廬君按熊默豫章舊志廬俗字君孝本姓匡父東野王共鄆陽令吳芮佐漢定天下漢封俗于鄆陽日越廬君兄弟七人皆好道術張僧鑿潯陽記俗字子希師老聃得久視之道定王召之不應其後二百年威烈王以安車迎之使未至白日輕舉使者惟得其草廬焉其說皆非蓋不考紀年康王時即名廬山也

左成十九年傳施氏卜宰匡句須吉施氏之宰有百室之邑身匡句須邑使為宰以讓鮑國而致邑焉

孟子有匡章亦見國策



韓子齊有匡倩宣王曾問儒者博乎倩曰不也儒者弋乎  
倩曰不也儒者鼓琴乎倩曰不也按一作匡倩

漢書匡衡字稚圭東海承人小字鼎善說詩官丞相子咸  
亦明經歷任九卿

百官表左馮翊匡咸子期

集古印誼漢有匡席子匡元匡去疾

晉書匡術官司徒中郎先為懷德令阜陵令勸蘇峻反弟

孝太山太守

晉書諸葛似將匡超進據礪嶽蕭館屯于新柵

南史匡昕字令先廬陵人有至性隱金華山服食不與俗

人交母卒已經日昕還呼叫母仍蘓人以為孝感所致

胡澹庵碑記唐匡智長安人與姪大郎修仙上升

元史匡國政建武軍節度副使才之子為歸德府判官母

病剗肝以進延祐中旌表

河南志匡忠字體道滑縣人世業醫不責人報以長厚稱

以詩酒自娛

浙江志匡文貞石門人永樂初以歲貢舉人才第一任四

川羅江縣政績茂著擢禮部精膳司郎歷升侍郎



山東志匡鐸膠州人隆慶四年由進士任新鄭縣明果能  
斷公廉有威擢給事中

霜 見姓苑路史

洋 見姓纂

姓纂洋海陵陽人

王 見魏王碑基魏記韓昌黎王仲舒碑廣韻

呂氏春秋王未作服牛注黃帝臣

莊子堯時賢人王倪師蒲衣

山海經注殷帝大戊使王英採藥于西王母按一作王孟

三秦記武王臣有王摩子入山難夷齊

淮南子公輸王爾無所錯其剗剗鋸注王爾古之巧匠

說苑王滿生見公周藉筆牘書之曰社稷且危傳之于膺

周公仰視見書曰唯唯明日誅管蔡

左傳齊有王何王黑何异盧滿發殺慶舍黑公使以靈姑

鉦率斷三尺而用之又有王猛夷儀之役猛謂東郭書曰

余先登又齊王甲為鮑牧殺王豹囚句賓之上注景公嬖

臣

王史氏見風俗通英賢傳



漢統文<sup>志</sup>禮家<sup>有</sup>王有史氏二十一篇注七十子後學者劉  
向別錄云六國時人

博物志漢西都時南宮寢殿內有醇儒王史威長死葬銘  
曰明明哲士知存知亡崇隴原野非寧非康不封不樹作  
靈垂光厥銘何依王史威長

英賢傳漢清河太守王史篆生新豐令王史普按廣韻作  
新豐令王史音

冀州刺史王純碑陰諸門人名有濟北王史登高穀阬碑  
王史桓幼升

姓苑後漢侍中王史元庠

王子氏見辯證路史

帝王世紀紂肆淫虐王子須務為諂諛紂深信其言微子  
諫不聽

左傳文十一年鄭瞞伐齊王子成父獲其弟榮如注王子  
成父齊大夫按新序管仲云平原廣囿呂作城車不結軌  
士不旋踵鼓之而三軍之士視死如歸則臣不如王子成  
甫請置以為大司馬呂覽審分職篇文同又說苑曰首先  
君桓公軍吏怠戎士偷則王子成父侍



按左傳周有王子狐平王子王子克桓王子子儀也王子  
續莊王子王子佞夫靈王子王子朝景王之長子庶王子  
虎僖王子公穀並以叔服為王子虎鄭有大夫王子伯廖  
墨子孟山譽王子閻曰晉白公之禍執王子閻斧越鈎要  
直兵當心謂之曰為王則生不為王則死王子閻曰何其  
侮我也殺我而喜我以楚國我得天下而不義不為也又  
况於楚國乎遂而不為

新序趙襄子問于王子維曰吳之所以亡者何也對曰吳  
君老而不忍襄子曰老則不能賞善不怨則不能罰姦不

亡何待

王官氏見姓纂

左傳文二年秦孟明視帥師伐晉以報殺之役晉侯禦之  
先且居將中軍趙衰佐之王官無地御戎狐鞠居為右注  
王官無地代梁知

姓纂楚有王官子羽為沅邑大夫按沅邑一引作沃邑

王人氏見風俗通路史

風俗通漢有東平太守王人宰公按東平一作安平

魯郡太守張猛龍碑陰云陽原縣義士州主簿王人生造



頌

王父氏見路史

王孫氏見姓誼

按左傳周大夫王孫說事簡王王孫滿事襄王楚有王孫  
圉使晉定四年傳楚子涉睢濟江入于雲中王寢盜攻之  
戈擊王孫由于以背受之中肩王奔鄆由于徐蘇而從衛  
有王孫賈楚亦有王孫賈從昭王出奔者齊亦有王孫賈  
殺悼齒

說苑公叔文子問于王孫夏曰吾先君之廟小吾欲更之  
可乎對曰古之君子以儉為礼今之君子以汰易之夫衛  
國雖貧豈無文履一奇以易十稷之繡哉以為非礼也文  
子乃止

吳語吳王夫差既還於黃池乃使王孫荀告勞於周又吳  
有王孫雄使越行成者按一作王孫雄  
漢藝文志王孫子十六篇圖五卷

貨殖傳王孫大卿賣豉亦致高訾大卿以財養士并雄傑  
交王莽以為京司市師漢司東市令也

王莽傳翟義黨王孫慶捕得莽使大醫尚方與巧屠共剗



剝之量度五臟以竹筵導其脉知所終始云可以治病按  
翟方進傳東郡王孫慶素有勇略以明兵法徵在京師義  
乃詐移書以重罪傳逮慶

陳留者舊傳王孫滑治三朮為博士

王叔氏見姓纂

姓纂王叔文公其子後為王叔桓公王叔陳生皆為卿士  
陳生奔晉其後為晉人按桓公為文公子陳生簡公也左  
襄七年王使王叔陳生翽戎於晉晉人執之士魴如京師  
言會王叔之貳于戎也

姓纂楚恭王時大夫王叔學鄭穆公時王叔明

王也氏此姓諸書無今補

魏書破落汗拔隣別帥王也不盧等攻隋懷朔鎮

芳  
見路史

馮異傳賊芳丹據新豐按續漢書芳丹作茅丹

廣韻引風俗通漢有幽州刺史芳乘按氏族畧引作芳垂  
敷辯證引作芳華敷未審孰是

狂  
見潛夫論姓苑路史

岳瀆經夏禹臣有狂章



韓非子太公望誅狂裔東海居士也按淮南子狂裔不受  
祿而誅注狂裔東海之上人也耕田而食義不受祿太公  
以為飾虛亂民而誅韓子作裔者誤金樓子作任高亦訛  
左傳宣二年宋大夫狂狡輅鄭人鄭人入於井倒戟而出  
之獲狂狡君子曰失死遠命宜其為禽也注狂狡宋大夫  
列仙傳狂光上蔡人趙簡子聘之今列仙傳作任光  
符子齊之狂子與楚之交子魯之周子相友

狂犬氏見潛夫論

彊

見姓苑姓謹廣韻路史

左傳十六年傳鄭伯治與於雍糾之亂者刑強鉏君子謂

強鉏不能衛其足注祭仲黨

風俗通晉有大夫彊劍

史記功臣表有繁侯彊瞻子昫獨昫獨子寄寄子安國按  
繁漢表作平彊作張

漢書光武同舍生彊華自關中來奉赤伏符曰劉秀發兵  
捕不道四夷雲集龍鬪野四七之際火為主按續漢書華  
潁川人

按前秦錄光祿大夫太傅彊平符生之舅因諫鑿頂殺之



特進光祿大夫領軍將軍彊汪特進彊德太后之弟醜酒  
豪橫為王猛誅之將軍彊求求一作永為慕容泓所敗幽  
川刺史彊哲苻生將彊懷與桓溫戰沒苻丕以彊益耳為  
侍中苻登將軍彊或降姚萇苻堅太子宏投或都氏豪彊  
熙熙于姚萇時為安南將軍苻登兗州刺史彊金槌據新  
平降姚萇後秦姚萇鎮遠將軍彊多一作彊京姚襄以彊  
白為後部帥後涼錄呂光湟河太守彊禧諸彊氏皆略陽  
氏也

廣古今五行記後周武帝時有彊練者岐山人宇文護未  
敗之日練持一瓠至門前撲破之云瓠破憐你子護被殺  
諸子皆焚毒而卒按後周書大象未有彊練師以無底囊  
歷長安市告乞市以米麥遺之即漏地人問其故練曰但  
令諸人見盛空耳及隨初遷都龍首山長安城遂空矣  
唐書太宗遣右領左右府長史彊偉于劔南道伐木造舟  
艦大者或長百尺其廣半之偉發民造船役及山獠雅邛  
眉三州獠反

唐書彊循字季先鳳州人官雍州司戶參軍教華原人通  
渠溉田一方賴之號彊公渠



姓萇唐兵部郎中彊寶質孫脩御史中丞其先略陽人徙扶風

宋史彊寬知環州隆興間金兵圍環寬與其弟集老弱殘兵堅守孤城招降不屈城陷死之彊至字幾聖錢塘人登進士第韓琦屢薦充館閣不果終刑部郎子浚明淵明涉明皆登進士淵明與兄浚明與蔡居厚宋喬年父子為死友淵明立元祐黨籍分三等定罪升中書舍人翰林學士金史彊仲本河中射糧軍子弟貌極寢陋而膂力過人拒元兵屢著戰功哀宗降詔拜仲北京留守元帥左都監世

襲謀克後力戰被執死

元史彊珣字彥粟讀書攻詩隱居田里至正間薦授常熟州判官不就同時有秦昂院孝思與珣交善并有詩文

江西志彊尚質字繩一鄱陽人天性孝友慈愛撫姪曲盡恩胤負敏才作古今文詞援筆立就兼善書畫以明經司訓建昌之新城師道卓然

深陽縣志彊珍字廷貴成丙戌羅倫榜進士滄州籍官至宣川巡撫忤劉瑾遷南京右通政乞養歸深

彊梁氏見世本



世本秦有左庶子長水校尉彊梁臬

唐 見公子謹漢成陽令唐扶碑廣韻

秦本紀孝文王立尊唐八<sub>子</sub>為唐太后

屈原傳楚有唐勃原弟子也按西京雜記楚大夫唐勃

一產二子一男一女男曰貞夫女曰瓊華皆以先生為長

韓非子田子方問唐易鞠曰弋者何慎對曰鳥以數百目

視子子以目<sub>二</sub>御之子謹周于廩

吳書唐固字子正丹陽人積學修身稱為儒者著國語公

羊穀梁傳注孫權拜為議郎黃武四年為尚書僕射

史記齊潘敗楚相唐昧于重丘又云秦庶長矣會韓魏齊

敗楚師于重丘殺其將唐昧<sub>唐昧即唐蔑</sub>呂氏春秋齊

令章子與韓魏攻荆荆使唐蔑將兵夾泚而軍章子夜襲

之斬蔑按唐昧即唐蔑善天文

淮南子謝子見秦惠王王說之以問唐姑梁姑梁曰謝子東方

辯士固權說以取少主按呂氏春秋作唐姑果

左成十六年傳鄢陵之戰石首御鄭成公唐苟為右又楚

有唐狡泌之戰使唐狡奔蔡鳩居告唐惠侯見宣十二年傳

國策魏有唐尚唐睢唐且宋唐軼韓唐容梁唐舉善相按



荀卿書作唐莒

漢書唐檀字子產南昌人習京氏易韓詩顏氏春秋永建五年舉孝廉除郎中著書二十八篇唐子

史記太史公學天官于唐都師古云即律曆志所云方士唐都者按唐蒙之子亦名都官臨邛令

謝承後漢書唐羌字伯游河南人章帝永元間辟公府為臨武長縣接南海舊貢龍眼荔枝及生鮮貢之羌上書諫勅大官無復受獻得報棄官還家有唐子三十餘篇行世

按羅泌云羌本名堯後人以其妄改之河南一作汝南漢書尚書令唐林爭師丹事又爭馮太后傅太后事左遷敦煌漁澤障戾

唐山氏此姓諸書無今補

前漢礼樂志有房中祠樂高帝姬唐山夫人所作常昭云唐山姓也服虔曰高祖姬

唐孫氏見世本

唐杜氏見路史

堂見風俗通



韓詩外傳堂衣若見孔子叩門怪子貢之詞絞  
堂邑氏見漢書注

漢書張騫以郎應募使月支與堂邑氏奴甘父俱出隴西  
服虔曰堂邑姓也漢人其奴名甘父師古曰堂邑也氏奴  
本胡人名甘父下云堂邑父者蓋取主之姓以為氏而單  
稱其名曰父按騫後與胡妻及堂邑父俱還漢上拜堂邑  
父為奉使君堂邑父胡人善射窮急射禽獸給食

堂陽氏見皇覽城家記路史

堂谿氏見風俗通氏族畧辯證亦作棠谿

列子公儀伯以力聞于諸侯堂谿公言之于周宣王  
韓非子堂谿空謂昭侯曰今有千金之玉卮通而無堂可  
以盛水乎昭侯曰不可有瓦器而不漏可以盛酒乎昭侯  
曰可按一引作堂谿公

漢書儒林傳堂谿惠潁川人師事博士貢禹惠授公羊春  
秋于泰山冥都

風俗通漢有堂谿典為五官中郎將按延篤從典受左氏  
傳近人皆以典字季度又字伯弁據嵩山石闕銘為說而  
錢給諫衍石云典大君諱協字季度為郡主簿作闕銘文



也又據石關後序典字伯并

棠見見氏族畧

左傳齊大夫棠無咎按無咎棠公之子無咎弟偃東郭氏使二人相崔氏

郎見廣韻

漢書郎宗字仲綏安丘人學京氏易善風角筮六日七分能望氣占候吉凶賣卜自奉安帝拜徵吳令卒有暴風宗占知京師有火子覲字雅先少傳父業兼明經典陽嘉三年徵拜郎中辭不就按陶弘景真誥宗學精道術占候風

氣後一日有暴風經窓前占知京師大火燒大夏門遣人往參果爾

鬱陽志國孝子郎偶二親病時不能食肉偶終身不食肉十六國春秋晉有郎奕涼有晉昌太守郎坦石趙司空郎安丘魏伏波將軍郎芳後燕秘書監郎敷丹闕特進郎闔知閔必敗自殺

北齊書郎基字世業中山新市人涉墳籍善吏事為海西鎮將梁兵攻城削木為箭剪紙為羽圍之十旬卒不能克而還



隨書郎方貴淮南人少有志嘗與從父弟為雙貴同居雙  
貴毆船人死兄弟爭坐上聞異之原其罪後為州主簿子  
茂字蔚之撰諸州圖經集一百卷周地圖一百九卷官尚  
書左丞子知年按蘇威好立條教每歲責民間五品不遜  
民部侍郎郎茂以為煩迂不急奏罷之為衛國令時以義勸  
張元預兄弟各感悔請罪

唐書郎餘令新樂人祖穎字楚之與兄蔚之俱有名大業  
中為民部曹郎蔚之位左丞餘令博學擢進士第授霍王  
府叅軍事從父知年亦為王友餘令以梁元帝有孝德傳

更撰後傳數十篇獻太子改著作郎兄餘慶為吏清而刻  
于法高宗時為萬年令累遷御史中丞出為蘇州刺史後  
以貪殘廢

唐書郎士元字君胄中山人天寶進士寶應元年選京畿  
縣官詔試中書補渭南尉歷右拾遺為昂州刺史與錢起  
齊名有詩集一卷

琅

見姓苑按姓苑誤宜刪

狼

見官氏志

左傳文二年囚呼萊駒失戈狼曠取戈以斬囚禽之以從



公乘遂以為右後率屬馳奉師死焉君子謂狼暉于是字君子

襄二十三年傳牢成御襄罷師狼遽疏為右

西羌傳鄧遵募上郡全無種羌雕何刺殺狼莫按西羌姓也零昌立年尚少以同種狼莫為其計策

蜀志張嶷傳定率率豪狼岑槃木為舅嶷使壯士收執梃

而殺之旄牛夷種率狼路欲為姑婿冬逢報怨是南夸亦有狼氏也

當 見廣韻

符秦甘露四年重脩魏鄧太尉祠碑有軍主簿寧戎當世

永萇軍錄事寧戎當投欽詳軍錄事和戎當陸道缺

魏使君碑陰有氏望當世

宋史至道元年涼州蕃部當尊以良馬來貢

當于氏見漢書文穎注此信諸書無今補

漢書王昭君小女為當于居次

當塗氏此姓諸書無今補

後漢書公孫述傳圖讖云代漢者當塗高按東觀記光武

與述書曰承赤者黃也姓當塗名高也

劉炫左傳述義昔有當塗貴邳國公蘓威嘗問曰知人是善然後好之何以言不能擇人貴曰好善仁擇人鑒雖有



仁心鑒不周物故好而不能擇也

倉

見國語注

國語周倉葛陽樊人重耳圍陽樊倉葛呼之按見左僖二  
十五年傳

說苑魏太子擊使倉唐于王文侯謂倉唐曰擊無恙乎按  
韓詩外傳作趙倉唐當是趙人

魏志倉慈字孝仁淮南人始為郡吏建安中太祖開幕屯  
田於淮南以慈為綏集都尉黃初末為長安令清約有方  
吏民畏而愛之太和中遷敦煌太守郡在西陲以喪亂隔

絕曠無太守二十歲大姓雄張遂以為俗前太守尹奉等  
循故而已無所匡革慈到柳挫權右撫恤貧羸甚得其理  
舊大族田地有餘而小民無立錫之土慈皆隨口割賦稍  
稍使畢其本直按統謹以慈與孝仁為二人外甚

北魏邑子孫秋生造像碑有維那倉景珍

後魏書倉跋京縣人母喪水漿不入口者五日吐血數升  
有司奏聞孝或詔表門閭

魏秋生等造像記有維那倉景珍

元史倉振知新州於驛路夾植榕松民歌云高松蒼榕一



道清風

氏姓謹倉紀遵化人正統中六合訓導

錢陳羣處州太守倉君墓誌銘君名聖演字倬甫河南中牟人高祖諱一鯉明光祿寺典簿曾祖諱牧民廩膳生祖諱沃太學生父諱士琅增貢生以子聖裔貴贈通奉大夫子思謙按乾隆時有倉聖脉官翰林即聖演之後

蒼

見風俗通路史

太平寰宇記蒼野衛之賢人

風俗通漢有江夏太守蒼英因官居焉遂為江夏人

桂陽太守周憬碑陰有故舍滙長南郡即蒼陸

蒼舒氏見路史

蒼吾氏按一作蒼梧此姓諸書無今補

說苑蒼梧之弟娶妻而美好請弄兄易忠則忠矣然非禮也淮南子汜論昔蒼梧繞娶妻而美以讓其兄此所謂忠愛而不可行也高誘注蒼梧繞乃孔子時人以妻美好推弄其兄于兄則愛矣而違親迎曲顧之義故曰不可行也



姓韻卷三十六

七陽下

武威張

澍篁

剛 見姓苑

姓苑宋有散祗侯剛仁遇祗罪

縉紳錄嘉慶時剛秉允直隸人任唐宮屯頭司把總

桑 見姓謹姓苑姓篁

左哀十一年傳吳伐齊桑掩胥御國子注國子國書也

史記秦昭襄二年桑君為亂誅



史記廣川王齊有幸臣桑距有罪欲誅之距怨上書告王  
泰山都尉孔宙碑陰門生東郡樂平桑演字仲厚桑顯字  
伯異

漢書御史大夫桑宏羊議置鹽鐵榷均輸

儒林傳桑欽字君長河南人受毛詩于塗惲著水經三卷  
晉書桑虞字子深黎陽人父重冲有深識遠量惠帝時為黃

門郎虞性仁孝為偷瓜兒除棘開道解衣償宿客失脯石  
勒時為武城令石季龍授盜朔將軍青州刺史辭讓按宗  
躬孝子傳桑虞喪父八十四日食百粒糝藜藿

梁書張冲遣軍主桑係祖攻魏建陵驛馬厚丘三城

西京記隨煬帝時有千牛桑和有盡異術見美人能致之  
竊素楊妾與帝

隨書屈突通遣虎牙郎桑顯和將驍果數千人夜襲王長  
諧等營為孫策史大柰擊破之後降

唐書桑道茂善太乙遁甲術召待詔翰林李晟為右金吾  
大將軍道茂齋一縷見晟再拜曰我命在公手能見赦否  
晟大驚道茂出懷中一書自具姓名署其左曰為賊迫脅  
固請晟判曰準狀赦之又以縑易晟衫請題衫膺曰它日



為信後汙朱泚偽官晟奏原免其死

五代史晉宰相桑維翰字國僑洛陽人曾鑄鐵硯作日出扶桑賦以見志

宋史桑懌雍丘人兄愷登進士有名懌官者長善捕盜後補邠城尉遷右班殿直明道末宜州蠻叛懌往捕以功授閤門祇候元昊反宋庠薦其勇略徙涇原路屯鎮戎軍與任福戰死

宋史桑安世哲宗時知榆次縣勸課農桑教民務本嘗引澗河水曲折數十里灌民田

明史桑世傑無為人趙善勝有異志世傑發其謀善勝逸去太祖命廖永安與世傑擊元元帥藥瑞力戰死贈安遠大將軍子敬以父死事累官都督府僉事

明史桑喬字子木江督人嘉靖進士由主事改御史十六年雷震謹身殿喬言尚書嚴嵩上負國恩下乖輿望災變之來由彼所致時嵩方養交游揚名譽為進取也舉朝猶未知其奸喬獨首發之

常熟縣志桑琳字廷貢號鶴谿友孝純篤勤於儒業所著有蔗鄉雜咏鶴谿集子悅字民懌性怪妄以孟子自况官



柳州通判著庸言自以為究天人之際

桑丘氏見王子年拾遺記姓纂按一作乘丘氏

廣韻漢有桑丘公著書五篇按桑丘子著陰陽書六國時人見拾遺記漢藝文志桑丘公著書五篇六國時人孫恂以為漢人誤矣一作乘丘

桑扈氏見英賢傳

史記桑扈子古賢人按楚辭九章接輿髡首兮桑扈裸行

注桑扈古隱士也

桑水氏見路氏

器

見姓苑姓源韻譜

廣韻楚大夫喪左按左傳

墻

此姓諸書無今補

後唐李昊修羊馬城記碑有墻進

沈括筆談文潞公處藏晉人墨蹟乃石從事于李學士衡士處借摹者李知以白潞公而坐客墻進皆言潞公所收乃真跡而以李所收為摹本李乃嘆曰今日方知身孤寒此又一墻進也

四川志墊江縣墻鼎康熙時為交河知縣勤於政事墻基



雍正丙午舉人官清豐縣知縣重士愛民墻均官梓潼縣  
教諭均塾江人

題名錄墻榜貴州開州人乾隆丁丑進士墻見羹江陵縣  
人乾隆辛卯進士按見羹官廣西知縣

康 見廣韻辯證

楚詞康回憑怒地何故以東南傾王逸注共工名康回按  
羅泌云康乃國姓回其名

路史許友之友康僖按蜀本紀嚴僖身許由為友蜀之道  
士也隱于雅州羅泌作康僖疑訛

列仙傳康風子服甘菊花栢實散得長生

隨書經籍志康秦作吳時外國傳按秦吳時官郎中

晉書康昕字君明官臨沂令善草隸王子敬嘗題方山草

堂亭壁數行昕密改之子敬過不疑按昕外國人一云義  
典人

十六國春秋前秦苻生太史令康權言于生日三月並出  
孛星入于太微上旬沈陰不雨將有下人謀上之禍願脩  
德以消之生怒撲殺之按前趙黃門侍郎康安前燕有康  
遷



黃 見廣韻

左閔二年傳榮澤之戰黃夷前驅

國語箕遺及黃淵嘉父作亂注箕遺黃淵嘉父皆晉大夫  
樂盈之黨

呂氏春秋中行寅染於黃籍按黃籍為高強家臣奔晉為  
中行氏之臣墨子無黃字

國策或謂黃齊曰人皆謂公不善于富摯

漢功臣表有邛侯黃極忠子榮盛盛子明明子遂

桓譚新論洛下閔姓黃按藝易國志字長公顏師古以為

姓洛下非也洛下乃閔中地名

東觀漢記伏無忌身諫議大夫黃景作諸王王子功臣恩

澤侯表南單于西羌傳地理志

漢書丞相黃霸字次公陽夏人子賞關都尉賞子輔衛尉

九卿又黃香字文強安陸人官尚書令子瓊字世英南陽

太守至太尉又黃守亮字子廉蜀郡太守黃昌字聖貞餘

姚人平帝時司空掾黃橫字平仲太尉黃琬字子琰瓊之

孫徵君黃憲字叔度慎陽人荀淑比之顏子黃尚字伯河

南郡即人順帝時由大司農為司徒按謝承書有豫章黃



向字文章

吳祐傳祐舉孝廉將行郡中為祖祐越壇與雍丘小吏黃真款語結友而別真後舉孝廉除新蔡長世稱其清節謝承書曰真字夏甫

鍾離意別傳汝南黃謹拜會稽太守召意署北部督郵時郡中大疫黃君轉署意中部督郵

魏志劉表江夏太守黃祖按孔融左丞黃祖融殺之幽明錄晉末黃祖至孝母病篤庭中稽顙俄頃天漢開明有一老翁賜兩丸藥母服之眾患頓消是有三黃祖也

黃周氏此姓諸書無今補

湖廣志黃周星字九煙本姓周氏父逢泰官江南生星于

金陵為上元黃氏撫養遂冒其姓為黃周國變復改姓名

曰黃人字略似

黃公氏見唐王瓘黃帝本行記此姓諸書無今補

漢藝文志有黃公歌詩劉向別錄黃公名疵為秦博士作歌詩也按一作黃公極

西京雜記東海黃公能制蛇御虎立興雲霧坐成山河梁書王偉與侯子鑒相失直瀆戍主黃公喜獲之送建康



皇 見風俗通

按左傳黃氏在宋者曰充石八世孫皇瑗為司徒杜注為右師生般麋野鄭鄭為人之子大司馬椒也服虔說麋為司徒野字子仲為司馬食邑於鄭謂之鄭般麋有友田丙而奪其兄鄭般因以與之世族謚謂鄭般為瑗世父誤矣蓋鄭般為瑗之猶子而麋之兄也又大司馬皇非我太宰皇國父皇伯非我兄杜注云皇懷為司徒非我從昆弟非我瑗從子則懷亦瑗從子世族謚乃謂懷為瑗昆弟是躋一世矣世族謚又云皇鄭瑗從父昆弟皇野瑗昆弟皇緩

充石十世孫按哀十八年傳宋使皇緩為右師杜注緩瑗從子孔穎達正義云據世族謚則緩為瑗從孫非從子二者必有一誤皇奄傷于昭二十二年奔楚未知誰之子也襄二十六年傳皇頡戍城麋出與楚戰敗穿封戍囚皇頡公子圍爭之

按皇氏仕鄭者有皇武子鄭伯問待宋公之胤皇戍邲之戰使于晉師戍子皇耳成十八年傳楚子辛鄭皇辰侵城郟取幽丘伐彭城納宋魚石向為人鱗朱向鬻魚府襄十年傳皇耳帥師侵衛楚命也為孫蒯獲于大丘



尸子廣澤篇皇子貴衷

漢藝文志天文家有皇公雜子星二十二卷

漢書高帝紀魏將皇欣沛公與皇欣申徒武滿合攻秦軍

破之

儒林傳皇弘受書于朱普

漢書皇帝未侍中皇禪參乘上問船璫何法不知所出又

問地震云不為災還宮乃左遷議郎

涼州刺史魏元玉碑有薄令劇皇修恭義

風俗通漢有琅邪相皇運吳有青州刺史皇象工書按象

字休明江都人

集古印謚漢有皇佼之皇私皇受皇伊

隸釋臨雖有雍州從事皇毓碑云殞身州牧陰君之罪時

年二十五

真誥皇初平丹谿人年十五家使牧羊有道士見其良謹

將至金華石室山其兄尋索歷年得見問羊何在曰近在

山東往視但見白石初平叱石變羊數萬頭按神仙傳皇

初起其弟初平後初平改字為赤松子初起改為魯班又

有皇化號九靈子得還年卻老胎息內視之要五行之方



晉藝術傳辛靈治呂猗母皇氏痿痺病即起

梁書皇侃吳郡人師事賀瑒明三礼孝經論語官國子助教撰礼記義疏五十卷論語義疏十卷武帝善之加散騎

侍郎性至孝日誦孝經三十遍按通鑑作皇甫侃誤侃一

作侃唐志侃礼記講疏一百卷喪服文句義十卷

南史齊武帝時有小史姓皇名太子帝以皇太子非名之

謂乃移點于外為皇犬子

南燕錄司隸校尉慕容達謀反遣牙門皇璆攻端門

梁始興忠武王碑陰有吏皇伯存皇觀之

隨書商州刺史新豐伯皇冲自云漢皇運後出上洛

氏族畧宋元豐登科皇漢傑常州人元祐皇淳安州人皇

仁溧陽人官州判

氏姓謹皇言材陝西人洪武中任稷山令皇國彥慈利人

正德中以歲貢授會瀋長史升浙江嘉湖道性和易清苦

自甘皇詮合肥人正統中荊州衛千戶

皇甫氏見姓謹

姓謹宋有皇甫充石公族也漢有皇父鸞自魯徙居茂陵

改父為甫後漢安定太守儁始居安定朝那按後漢安定



都尉皇甫雋生稜為定襄太守行度遼將軍事始居安定  
稜子彪有八子號八祖

集仙傳孫武曾遇東臯公皇甫訥二人訥與東臯曾救伍  
員

漢書耿恭傳謁者皇甫援王蒙與段彭等發張掖酒泉敦  
煌三郡及鄯善兵七千餘人以救恭

漢書皇甫旗官扶風都尉子規字威明官度遼將軍後轉  
護羌校尉規兄子嵩字義真父節雁門太守嵩仕至太尉  
拜後太常子堅壽後為侍中辭不拜嵩從子酈官謁者

寇恂傳延岑軍師皇甫文寇恂誅之

後漢書橋玄傳上邽令皇甫禎有臧罪橋玄答死于冀市

晉書汶山白馬胡侵掠諸種益州刺史皇甫晏欲討之典

學從事何旅諫晏以為沮眾斬之軍至觀阪牙門張弘作  
亂殺晏

晉書初置諫官以散騎常侍傳多皇甫陶為之後官右將  
軍論事與帝爭言

晉書皇甫謐字士安幼名靜號元晏先生撰帝王世紀年  
麻高士逸士列女等傳多晏春秋子童靈身<sup>方</sup>回避亂荊州



為王廩殺按謚六世孫希之桓予給其資用使隱居山林  
時謂之充隱

晉書安定皇甫商為長沙王又參軍兄重為秦州刺史李  
含與侍中馮孫中書令卞粹謀殺又商以告又收含孫粹  
殺之商官左將軍為河間王顥殺重為游楷所攻外救不  
至為城人所殺

晉書劉沈使安定太守衙博功曹皇甫澹以精甲五千襲  
長安入其門力戰至顯帳沈兵來遲為馮翊太守張輔所  
殺

晉書東亭校尉崔寔請安定皇甫岌為長史甲辭說諭終  
莫能致慕容魔招之岌與弟真即時俱至按真字楚季屢  
遷太尉侍中後入秦

魏書皇甫和字長詣祖澄本齊秦梁二州刺史父徽字子  
元梁安定略陽二郡守魏正始中隨其妻父夏侯道入魏  
梁州刺史羊靈祐表為征虜府司馬仕至濟陰太守子聿  
道以幹局知名位廣平陵大業初比部郎和弟亮字君翼  
性質朴淳厚無片言矯飾官尚書殿中郎攝儀曹事

齊書皇甫玉善相人齊文宣宣即位試玉相術故以帛巾祿



其眼玉摸之曰此是寢大達官後以語洩為斛斯慶所告  
文宣怒斬之

孝子傅皇甫遐字永賢汾陰人性至孝營墓高數丈周回  
五十餘步郡縣表上其狀詔旌異之

隨書皇甫璠字景瑜三水人忠謹有幹畧周保定中為鴻  
州刺史入為小納言進驃騎將軍子諒少知名大象中位

吏部下大夫諒弟誕字元慮剛毅有器局開皇中遷治書  
侍御史朝臣肅憚拜并州總管司馬漢王諒作亂誕與豆  
盧毓拒之並抗節遇害

隨書皇甫績字功明祖穆魏龐太守父道周湖州刺史雍  
州都督三歲而孤為外祖韋孝寬所鞠養好學涉經史周

武帝為魯公引為侍讀隨開皇時為都官尚書轉晉州刺  
史陳伐陳之策後拜晉州總管十二州都軍事子德大業  
中官尚書主爵郎按通鑑作皇甫績訛

隨書時制縣令無故不得出境有但闕戶皇甫詡得幸于  
陳違禁攜之至汾陽宮為御史韋德裕劾奏

唐書皇甫無逸字仁儉隋并州總管誕之子誕死漢王諒  
之難無逸襲爵為右武衛將軍入唐為御史大夫使持節



巡撫蜀土皇甫希仁儉人也告無逸為母陰交世充帝判其詐斬希仁入拜兵部尚書

唐書中牟丞皇甫德參上言脩洛陽宮勞人收地租厚斂俗尚好高髻蓋宮中所化上怒欲罪觀<sup>之</sup>也徵諫乃賜絹二十匹拜監察御史

唐書皇甫鏞字蘇卿臨涇人第進士兄鏗為相時任河南少尹見權寵太甚每極言之鏗不悅後官國子祭酒鏞能文工詩為人寡言正色衣冠甚偉不屑世務著書數十篇按舊書有集十八卷著性言十四卷

唐書御史宇文融檢括戶口使者競為刻急州縣承風勞擾百姓苦之陽翟尉皇甫憬上書言其狀貶為盈州尉

唐書皇甫湜字持正新安人擢進士第官陸渾尉仕至工部郎中下急使酒按湜子松著酒孝經一卷又著醉鄉日月載骰子令又有旗幡令閃壓令拋打令今人不復曉其法見卻掃篇

唐書永王璘收庫物甲兵欲南奔嶺表江西采訪使皇甫侁遣兵追禽之殺于傳舍

唐書皇甫冉字茂政潤州丹陽人秘書少監集賢院脩撰



林姪也與弟曾皆善詩天寶中踵登進士授無錫尉遷右  
補闕曾字孝常歷監察御史坐事貶舒州司馬其名與冉  
相上下

唐藝文志皇甫遵吳越春秋傳十卷皇甫選注何亮木書  
三卷

通幽記皇甫恂字君<sub>和</sub>開元中授華州參軍暴亡其魂如  
在尚書省門見街中車騎數百戈矛前驅恂窺之乃親叔  
母薛氏也趨出拜謁母曰尔福最隆來當誤耳有數吏引  
至一府旌旗擁門恂又入見叔母據大殿坐叙平生委曲

令一僧引觀地獄並令黃衣吏抱案發視言官爵由太府  
卿貶縣州刺史令焦王二吏送回乃活後果然

五代史唐兵長驅入汴段凝迎降梁主令皇甫麟斷首麟  
亦自殺又皇甫遇真定人虬髯善射歷事唐晉杜重威陰  
送款契丹召諸將書名遣遇與張彥澤先入京師遇行圭  
平棘絕吭而死

陸游南唐書皇甫暉魏州人事唐晉契丹入中原暉為密  
州刺史奔唐為北面行營應為周世宗禽創病卒

宋史皇甫坦夾江人善醫術顯仁太后苦目疾國醫不能



療臨安太守臣張偁以聞高宗召見治目立愈又善相人  
嘗相道中女必為天下母後果為光宗后

宋史皇甫繼明蓆人父濟汾州令繼明善騎射有膂力後  
官環慶馬步軍都部士卒畏憚

宋藝文志皇甫牧三水小牘二卷按牧字遵美見文獻通  
考

長洲志皇甫錄宏治進士任重慶知府生四子冲濬沔濂  
皆登進士冲字子浚善騎射好設兵遇南北交訐撰幾策  
兵統枕戈雜言三書濬字子安初授工部主事改礼部議

制員外郎夏言知濬才用為春坊司直被論謫廣平通判  
後遷浙江僉事論罷濂字子約初授工部主事大計謫河  
南布政司理問終興化同知

明史皇甫斌壽州人先為興州右屯衛指揮同知以才調  
遼海衛忠勇有智畧宣德中禦寇力戰死子弼以身衛父  
亦死難

四川志皇甫仲和雅州人精天文推步成祖北征仲和與  
袁忠徹扈從師退漠北不見寇問之對曰今日未申間寇  
從東南來王師始少却終必勝比日中不至械之將誅死



頃之中官奔告曰寇大至授欽天監正

山西志皇甫遵道平陽人以儒士擢知歙縣嚴於律已壁

立萬仞不可干以私而臨政不立異不要名

題名錄皇甫渙吳江縣人嘉靖丁未進士皇甫文聘桐廬

縣人已丑進士皇甫樞桐鄉縣人乾隆乙丑進士

皇子氏此姓諸書無今補

莊子齊士有皇子告敖者曰公則自傷鬼惡能傷公夫忿

瀆之氣散而不反則為不足上而不下則使人善怒下而

不上則使人善怒不上不下中心當<sub>之</sub>則為病按風俗通

作皇士誤

湟 此姓諸書無今補

鬻子湯七佐有湟里沮按一作皇甫且訛

湯 見廣韻

廣韻宋沙門湯惠休有文集按湯惠休宋<sub>宛</sub>胸宛令也有集

三卷見隨志

南齊書富陽人唐寓之反<sub>分</sub>兵襲會稽至浦陽江邵丞張思

仁遣峽口戍主湯休或拒戰大敗之

唐書東女國王遣大臣湯劍右來朝乃請官号



唐書安西副大都護湯嘉惠奏突騎施引大食吐蕃取四鎮

唐書天寶十二載元結舉進士刑部侍郎湯浚見其文曰一第恩子耳有司得子是賴

五代史南唐相殷崇義入宋避諱改為湯悅幼穎悟嘗見飛星墮盤中掬吞之文思日麗悅又於驛舍見士人食以五福餅悅著有森伯傳言茶也按悅與徐鉉同奉詔作江南錄至於亡國之際不言其君之惡但以麻數存數存亡論之

五代嵐州刺史湯羣董昌偽相湯舊按諸葛爽與泗州守將湯羣歸朝廷即其人也

湯滂氏見唐書此姓諸書無今補

唐書武德中東女國王女主湯湯氏始遣使貢方物高祖厚資遣之

汪 見姓苑

左哀十一年傳魯公為弄其嬖汪僮跣乘皆死皆殞孔子曰能執干戈以衛社稷雖欲可無殤也

徽州志漢汪文和字國輔建安中以龍驤將軍為會稽令



避地遷居於新安陳稷州別駕汪綱唐汪華少以勇俠聞  
隋末兵亂以土豪應郡募保據郡境併有宣杭睦婺饒五  
州唐初納款高祖授為歙州刺史郡人十姓九汪皆華之  
後按唐書拜華為歙州總管非刺史也

汪綱氏見左傳

光 見廣韻路史

史記周家暨傳淳于人光乘羽正義云光乘字羽羽傳齊  
人田子莊何

晉書安樂光逸字孟祖名在八達元帝以逸補軍諮祭酒

中興建為給事中按一作樂祖胡母輔之薦于東海王越  
宋書謝晦奔至安陸延頭光順之為戍主執之順之謝晦  
故吏

前秦錄兗從僕射清河光祚言于苻堅曰慕容垂非久為  
人下者及燕取鄴祚入晉晉以祚為河北郡守後降于坐  
慕容垂見祚流涕曰秦知我理深吾事之亦盡淮南之敗  
吾效忠節祚亦歛衽坐以為中常侍

梁書東昏遣軍主光子衿等十三軍救郢州進據巴口  
唐書光楚客撫州都督安南大都護按新書宦者傳子宗



天寶中封光楚客為松滋侯楚客樂安人嘗為廣州司馬薛  
季昶貶儋州以與楚客素不叶不敢往遂仰藥死

宋登科記有光垂祐光盛以武善大夫知宜州又光利賓  
絳州人

明史晉恭王傳先是土寇薄城縣丞光先與戰不勝自焚  
死新堞哭之慟為之誅曰殺身成仁雖死猶生至是新堞  
亦死難

氏姓謚光輝東平人景泰舉人先玉樂平人弘治中任邯  
鄲縣丞光懋陽信縣人嘉靖乙丑進士任吏部給事中

明史光時亨任御史與丁詩教等為黨

題名錄光成采桐城人雍正甲辰進士光聰諧桐城人嘉  
慶己巳科進士官刑部主事按字栗園由部曾任至直隸  
布政使

芒

史記魏有芒卯按卯初事昭王後事安釐王國策作孟卯  
又列女傳魏孟陽之女芒卯之後妻也有三子前妻之子  
五人皆不愛慈母前妻中子犯魏王令罪當死慈母憂感  
悲哀帶因減尺



魏志燒當羌王芒中注詣是羌姓也

江西志芒文績臨川人任國子監學正洪武二十六年傳

開

設貴州儒學以文績為教授訓誨有方人始知學而典文

衡為時取重按宋濂文集正心堂銘有曰元臨川監郡芒

侯嘗銘其燕息之堂曰正心既以自治其身而化其民又推以

教其子入國朝其子文績司教成均思嗣侯德不墜以堂

名為請又按文績弇山堂別集作文鎮誤

臧

見公子謹左氏疏臧懷恪碑廣韻

列女傳臧文仲使齊齊拘之與兵欲襲魯文仲微使人遺

公書恐得其書乃謬其詞曰斂小器投諸臺食獵犬組羊

裘琴之合甚思之臧我羊羊有母食我以同魚冠纓不足

帶有餘公及大夫莫知之問臧孫母母曰吾子拘有木治

矣公曰何以知之曰斂小器投諸臺者言取郭外萌內之

於城中也食獵犬組羊裘者言趣饗戰鬥之士而繕甲兵

也琴之合甚思之者言思妻也臧我羊羊有母是告妻善

養母也食我以同魚同者其文錯錯者其文錯者所以治

鋸鋸者所以治木也是有木治拘於獄矣冠纓不足帶有

餘者頭亂不得梳飢不得食也故知吾子拘有木治矣



按左傳臧哀伯即臧孫達僖伯之子臧文仲即臧孫辰哀伯孫伯氏瓶之子臧許即臧宣叔也文仲子武仲父宣公時為司寇臧武仲即臧孫紇宣叔子宣叔取於鑄生臧賈及為臧昭伯臧為之子昭伯如晉從弟臧會竊其寶龜句樓會子曰賓如賓如子曰子臧石臧疇臧買帥甲三百宵犯齊師送之而復杜注疇買臧紇之昆弟也事在襄公十六年臧堅臧紇之族齊人圍防獲之以我扶其傷而死漢書臧固韓安國舉之又臧宮字君翁邠人從光武征戰有功為輔威將軍又臧曼徐州從事訟第五種之寃

風俗通魯相右扶風臧仲英為侍御史家人作食設案歛有塵土投汙之效臨熟不知釜處兵弩自行火從篋簾中出衣物燒盡而簾如故婦女悉亡其鏡孫女三四歲亡求不得乃于園中糞下啼汝南許季山卜卦言家中老青狗為之青殺此狗

魏志臧洪字子源廣陵人父昱有幹事才官勾奴中郎將袁紹以洪領青州刺史後為紹所殺

魏志臧霸字宣高秦華人父戎為縣獄掾掾法不聽太守欲所私殺太守大怒收戎送府霸年十八將客數十人于



路要奪之亡命東海以勇壯聞曹操時為琅邪相文帝即位遷鎮東將軍拜執金吾子艾官青州刺史

晉書臧燾字德仁東莞莒人少好學善三礼謝纘舉為助教去官與弟燾躬耕自業約已養親九十餘年宋武帝時補尚書度支郎武帝受命拜太常長子邃宜都太守邃子凝之涉學有當世才後為尚書左丞

梁書臧嚴字幼威有孝性叔未甄為江夏郡攜嚴之官於途作長游賦七算詞并典麗又精漢書官鎮南諮議將軍文集十卷

梁書臧未甄燾曾孫也父潭左戶尚書任梁為太尉長史丁母憂三年廬于墓側歷廷尉卿江夏太守子盾字宣卿幼從徵士諸葛璩受五經璩曰此生王佐才也武帝時為御史中丞性公強稱職卒於領軍將軍臧厥字獻廷盾之弟以局幹稱為晉安太守政嚴百姓謂之臧彪卒於司農卿辯斷精明子操尚書三公郎燾字義和燾弟武帝遣朱齡石伐蜀命燾領建平巴東二郡太守斬譙縱撫之成都

平

宋書臧榮緒東莞莒人祖奉先建陵令父庸人國子助教



榮緒好學括東西晉為一書記錄志錄傳一百一十卷榮緒

敦愛五經以宣尼庚子生日陳五經拜之自號披褐先生

榮緒與關康之隱京口時號二隱

唐書羽林大將軍臧懷亮居於天水

臧文氏見氏族畧

臧會氏見姓纂氏族畧

臧孫氏見氏族畧

臧馬氏氏姓謚云見姓苑

姓苑漢有臧馬氏按此說非見辯誤

囊 見氏族畧

左昭二十三年傳楚囊為令戶城郢沈戶戌日子常必亡

郢苟不能衛城無益也

左昭三十四年傳炊鼻之戰齊子囊帶從洩野洩叱之注囊

帶齊大夫

邛 見姓苑邛音昂

昂 見姓苑

元史昂吉兒張掖人世為西夏將軍父甘卜率所部歸元為千戶及昂吉兒領父軍從征諸國有功又畧地淮南世



祖時累官行尚書省右丞時欲征日本昂吉兒上書極諫  
請罷兵息民不從既而師果無功屢進直言帝雖怒甚其  
詞不少屈

題名錄昂天翱合肥縣人康熙乙丑進士按毛西河集天  
翱字扶上官山東平原縣知縣

忙 見姓苑

正字通永樂中常德衛千戶忙義豐潤人又廬州衛千戶  
忙宗

伉 見風俗通路史

風俗通漢有伉喜為大中大夫按辯證氏族畧引云漢有  
伉喜為漢中大守誤

抗 見漢書注

謝承後漢書抗徐字伯徐丹陽人少為郡佐吏鄉邦稱其  
膽智初試守宣城長境內無賊盜三府表徐有將率之任  
特遷長沙太守後為中郎將擊泰山賊公孫舉等破平之  
封為程東鄉侯按度尚傳抗徐遷泰山都尉盜賊望風奔  
亡

杭 見風俗通



姓苑漢有長沙太守杭徐按後漢書注引風俗通作杭徐  
晉書石冰大將杭寵率眾屯講堂

大業拾遺記隨煬帝宮人杭靜見唐勢已盛作江都夜半  
歌以諷之

氏族畧宋政和二年進士杭濟

江南志杭濟字世卿宜興人弘治癸丑進士官至方伯與  
弟淮俱善詩淮字東卿弘治己未進士歷戶部侍郎有二  
杭集

山東志杭琪洪武初任戶部尚書

通州志杭繼恩崇禎中由吏員任如皋縣升任通州州判  
錢塘人

通州志杭超乾隆六年歲貢定遠人任如皋訓導

明史杭雄字世威世為綏德衛總旗官都督同知西北名  
將馬永而下稱雄

題名錄杭東崑山人弘治己未進士杭齊蘓聊城人順治  
丙戌進士杭光晉仁和人乾隆甲辰進士

亢  
見姓苑

印藪漢有亢過



後魏書亢庫汗為羽林中郎從駕北巡有免起于乘輿命庫汗射之應弦而斃太祖賜金免以旌其能

唐書韋皋鎮蜀有部將亢榮朝以萬人屯黎州破吐番

天文志唐有五官正亢軫

氏族畧亢潮京兆人登科

陝西志亢信咸寧人永樂中洪洞知縣

陝西志亢時霖藍田人成化丙午鄉試任長子教諭升蘆山令時天全叛逆逐縣官掠居民人為霖危之霖至開諭招撫患遂息又募勇士殺其酋類之難制者蘆山立祠祀

之

江南志亢霖字知澤宜陽舉人成化中任當塗縣知有善政

山西志亢良玉臨汾人府學生事父母能色養母卒廬墓生芝草正德中旌門亢思謙字子益臨汾人嘉靖進士改庶吉士歷官布政使

甘肅志亢孟祥明岷州衛教授亢得雨秦州貢生

亢倉氏

列子陳大夫曰吾國有亢倉子能以耳視而目聽魯侯聞



之大驚以上卿兀致之亢倉子曰臣體合乎神心合于無  
按莊子庚桑楚史記作亢桑列子作亢倉

荒 見姓苑

東觀漢記銅馬賊帥東山荒禿上淮況等

薑 見路史

甘肅志薑愷武昌人進士順治間官隴西推官薑有才靈

夏人順治間官游擊

旁 見路史

唐書薛仁果已敗其將旁公地降詔即統其兵留長安公

地不樂未幾復叛公地羌豪也仁果信倚之至是入南山

繇商洛出洛川衆數千所過剽害敗大將龐玉至始州掠

王氏女醉寢於野女取公地所佩刀斬之送首梁州詔封

女為崇義夫人按通鑑作旁公地又一引作旁公地字

傍

唐書浪穹州蠻酋傍時昔等二十五部先附吐蕃至是來

降以傍時昔為浪穹州刺史以統其眾

唐書李知古發劍南兵築城欲誅其豪傑掠子女為奴婢

羣蠻怨怒蠻酋傍名引吐蕃兵攻知古殺之以其尸祭天



傍乞氏此姓諸書無今補

西魏書宕昌梁彌定宗人獠甘襲奪其位定來奔先是羌  
酋傍乞鐵忽等因公定反叛之際遂擁眾據渠林川與渭  
州民鄭五醜扇動諸羌阻兵拒命至是詔大將軍宇文貴  
豆盧寧涼州刺史史寧等率兵討獠甘等並禽斬之

坊

見潛夫論姓苑

弇山堂別集洪武中林寧縣丞坊蒙字彥輝徐州人

傷

見統謚按凌氏誤讀左傳以為姓宜刪

槍

史記楚有趙烈侯賜歌者槍石田千畝按姓槍姓石之二  
人也故說苑言槍石二人田

姓苑漢有槍傳

闔

此姓書諸無今補

按漢北海相景君銘碑陰有故書佐東安平闔廣字廣宗  
隸釋作闔字非也

晉書唐彬初學受于東海闔德門徒甚多獨目彬為廊廟  
才及彬官成而德已卒乃為之立碑按今刊本晉書作闔  
德非矣



翔 見姓苑

希姓錄翔季高宋人號羽軒工詩送客詩有大江中夜滿  
雙櫓半空鳴之句

駭 見海篇直音

咩

唐書澄股詔豐咩之子咩羅皮自為澄川州刺史治大鰲

城

鄴 見姓苑

曰 海篇直音音良姓也

邁 海篇直音音良姓也

茫 見姓苑

統謚宋茫端臣官承議郎

張

氏姓謚永樂中句容訓導張錦邯鄲縣人

祥 見姓苑

彰

姓苑漢有彰章齊人

藏 見姓苑



南史林邑王范敵鎧欲禪位于其甥國相藏麟固諫不從  
其甥立而殺藏麟麟子又攻殺之

希姓錄北漢益州經畧使藏珍按五代史周世宗遣供奉  
官齊藏珍齎詔書責定難節度使李彝興楊氏誤脫齊字

菴 見姓苑字彙補翁香切音央姓也

統謚宣德舉人菴清永福人

邨 見姓苑

統謚南唐邨傑登進士第宋邨况舉進士江寧人

厄

印藪漢有厄充按亦見集古印謚

稂 按江西永新縣有稂姓諸書無今補



姓韻卷三十七

下平聲

八庚

庚

見路史

姓苑周有庚儵字元默魯人

廣韻唐有太常博士庚季良

白居易集有渭南縣尉庚敬休

譚峭化書庚氏穴池構竹為凭檻登之者其聲策策焉不

或威張

澍簞



投餌亦踊躍而出則是庚氏之魚可名策策

氏族畧宋國子博士庚乘

庚桑氏見成子英疏

莊子老聃之役有庚桑楚者偏得老聃之道以北居畏壘之山其臣之畫然知者去之其妾之絜然仁者遠之擁腫之與居執掌之為使居三年畏壘大穰畏壘之民相與言曰庚桑子之始來吾灑然異之今吾日計之而不足歲計之而有餘庶幾其聖人乎子胡不相與尸而祝之社而稷之乎

庚市氏此姓諸書無今補

莊子庚市子肩之毀玉按淮南子庚市子聖人無慾者也人有爭財相鬪者庚市子毀玉於其間而鬪者止

更見姓苑

楚策魏加曰臣少之時好射臣願以射譬之可乎春申君曰可加曰異日者更羸與魏王處京臺之下仰見飛鳥謂魏王曰臣為君引弓虛發而下鳥魏王曰射然則射可至此乎更羸曰可有間鴈從東方來更羸以虛發而下之魏王曰然則射可至此乎更羸曰此孽也王曰先生何以知之



對曰其飛徐而鳴悲飛徐者故瘡痛也鳴悲者久失羣也  
故瘡未息而驚心未去也聞弦者音烈而高飛故瘡墮也  
按謝氏詩源更羸之妻能作鎖雲囊佩之陟高山有雲處  
不必開囊而自然有雲氣入其中歸于家啓視皆有白雲  
如綿自囊而出囊如繭蠶而可以開合更羸善射每言能  
仰射入雲中其妻不信因以一囊繫箭頭令射之及墜驗  
之果有雲在內因名箭曰鎖雲

漢書外戚傳廣望三老更始

橫

見風俗通路史

荀子成相篇橫草佐禹按亦見呂氏春秋

彭

見國語

劉縉先聖本紀伊尹耕于有莘之野王馳往見之彭氏子  
諫曰伊尹賤人可徙致之君無辱車乘王曰夫一草一木  
可已天子病者天子猶欣喜食之子誠不欲藥人病也遂  
黜彭氏之子

竹書紀年殷王太戊時有彭伯壽

楚詞王逸注彭咸殷大夫諫其君不聽投水而死

左哀十六年傳楚子穀曰彭仲爽申申也文王以為令尹



實縣申息

宣十二年傳邲之役彭名御左廣屈蕩為右

昭四年傳彭生罷賴之師杜注彭生楚大夫罷鬬韋龜城賴之師

莊子彭陽注則陽字彭陽一云姓彭名陽字則陽

孟子弟子彭更又有彭蒙按莊子有彭蒙別是一人

或夷山記秦始皇時或夸君會鄉人於幔亭彭令昭歌人間可哀曲

韓非子魏惠王為白里之盟將復立于天子彭喜謂鄭君

曰君勿聽大國惡有天子小國利之按國策彭喜作房喜史記漢九江王彭越字仲昌邑人按前秦苻生時有立忠將軍彭越又為左將軍徐州刺史

漢書彭脩字子陽昆陵人年十五父為盜劫脩拔佩刀持盜帥曰父辱子死盜謝而釋之事郡功曹西部都尉宰黽行太守事怒收主簿鍾離意脩諫之原意守吳令賊射太守脩障扞太守死

史記彭吳賈滅朝鮮置滄海之郡索隱云彭吳人姓名按漢書食貨志彭吳穿穢貉朝鮮置滄海郡



漢書彭宣字子佩陽夏人治易事張禹為博士遷東平太  
傳入為右扶風遷廷尉出為太原太守入為大司農光祿  
勳右將軍徙左將軍罷以鮑宣薦召為光祿大夫遷御史  
大夫轉為大司空

桓榮傳議郎彭閔治毆陽尚書桓榮薦之按續漢書閔字  
作明袁宏紀作彭閔

十六國春秋後秦揚威將軍彭蚝後涼張掖彭晃南涼彭敏  
西秦錄乞伏乾歸以袍罕羌彭奚念為北河州刺史又彭利  
髮自稱大將軍河州牧又彭利和是西羌姓也

五代史馬殷時有溪州刺史彭士然按銅柱記作彭士愁  
凡彭姓數十人是南蠻姓也

彭祖氏見氏族譜氏族畧路史

彭晉氏見太平寰宇記此姓諸書無今補

彭輕氏此姓諸書無今補

墨子彭輕生子曰往者可知來者不可知子墨子曰籍設  
而親在百里之外則遇難焉期以一日也及之則生不及  
則死今有固車良馬於此又有奴馬四隅之輪於此使子  
擇焉子將何乘對曰乘良馬固車可以速至



英 見漢書

漢書淮南王黥布六人黥布本姓英以相者言改黥

氏姓謹宋英秉臣洪州人英武太原人與契丹戰死英文

受善化人永樂舉人英瑀博羅人成化舉人英世顯宣府

人萬厯中任寧夏靈州指揮

弇山堂別集英繼善祁人州官知縣

英賢氏見路史

英成氏見世本

世本晉有英成僖子按廣韻又引作英成僖子菱成僖子

平 見張說常州刺史平君碑廣韻路史

漢書平當平陵人字子思初以明經為博士公卿薦當議

論通明給事中每有災異當輒傳經術言得失哀帝時為

光祿勳御史大夫至丞相生子晏以明經歷位大司徒封

防鄉侯

王莽傳遣中郎將平憲等多持金幣誘塞外羌使獻地願

內屬憲等奏言羌豪良願等種人口可萬二千人願為內

臣獻解水海充谷鹽池平地美草皆予漢民自居險阻處

為藩蔽



華陽國志平直巴郡人任本郡文學掾

神仙傳平仲鄧河中人以大胡亂中國時來渡江入括蒼山受師宋君存心鏡之道具百神行洞房事如此積四十五年精思身形更少體有真氣晉穆帝永和元年正月上昇

十六國春秋苻洛治中平規勸洛反曰逆取順守湯武是也因禍為福桓文是也規幽州人按規一作顏

前燕錄平儒平規仕慕容為通官儒子恒字繼叔為秘書丞撰略注有餘篇子壽昌太和初官秘書令史又慕容皝

護軍將軍領將作大匠平熙監造二廟

前秦錄苻堅滅燕以平叡為宣威將軍後叡與兄汝陽太守幼降慕容坐坐以幼為護軍將軍

通鑑慕容坐以平朔將軍平規擊苻永胡三省曰此別一平規規幼之弟非與苻洛同反之平規也按後燕錄作平視為帶方太守視後與從子平喜弟平翰同反翰為冀州刺史喜為海陽令

十六國春秋劉曜遣將軍平先追陳安先勇捷如飛與安搏戰三交奪其蛇矛



魏書閭官傳平季孝成帝時封元城侯養子叔良叔良子世胄

北齊書平鑿字明達薊人受學於徐遵明為懷州刺史時築城井竭衣冠祝之泉即湧溢魏師敗還和士開令人求鑿愛妾劉氏鑿即送之歷牧八州再臨懷州所在為吏所思立碑頌德卒于都官尚書

張說常州刺史平君神道碑公諱貞脊字密一字閒從燕國薊人公即北齊司空公鑿之曾孫秘書郎子敬之季孫故偃師令直容之叔子按唐書左庶子平貞慎上養德傳

孝經議于節愍太子重俊以諷苑文志作貞脊議作義又燕公集云平授常州刺史貞脊之少子八分之妙獨善當時

王定保唐摭言唐詩人平曾性傲曾游蜀雲谿友議曾謁李固言獻雪山賦被逐又獻鱖鮓賦

安祿山事蹟平致美在安祿山幕府

金石錄唐開梁公堰頌碑陰記天寶六載平致和撰竝正書

顏魯公碑有平列侍御史按楊慎矜傳慎矜慎名皆死監



察御史平冽齋敕至大理寺慎餘聞死合掌指天而縊  
急就篇平昌字孟公永泰間為湖南觀察使治衡州有惠  
愛於民又有平超然平伍

宋史藝文志平堯卿傷寒玉鑑新書一卷

明史平安滁人小字保兒父定從太祖起兵官濟寧衛指  
揮安仕至北平都指揮

浙江志平顯字仲微仁和人博學多聞詩文典則黔國沐  
公辟為教讀著有松雨齋集子宣亦工詩仕蒙化府通判  
江南志平思忠吳江人洪武時為小吏薦授禮部郎中歷

### 叅政

江西志平世用宏治中知雩都縣興學校均徭役除盜賊  
訟理政平士民愛戴按題名錄平世用內江縣人弘治丙  
辰進士

題名錄平康裕新城縣人嘉靖己未進士平聖臺山陰人  
乾隆甲戌進士平聖敬乾隆癸未進士平恕乾隆壬辰進  
士官侍郎弟平遠翰林均山陰人

平陵氏見姓纂

唐韻史記有平陵老按姓纂辯證皆引作平林老



平靈氏見姓苑

平林氏見周書史記篇

姓纂史記有平靈林老

平州氏見史記篇此姓諸書無今補

京 見風俗通路史

博古圖京叔作饗籃其萬壽永寶用

鐘鼎款識京姜庚仲作尊高

戰國策段干越謂韓相新城君曰昔王良弟子駕千里之

馬過京父之弟子

漢書京房字君明頓丘人本姓李吹律自定為京師為魏

郡太守坐窺道諸侯王以邪意漏泄省中語棄市按儒林

傳又有一京房官大中大夫梁丘賀從之受易淄川楊何

弟子非焦延壽弟子為課吏法者

名畫記唐有京元成善畫

南昌耆舊記京三郎丞相鐘之父建炎中金人至江西郡

守降金人索少壯三千人使負荷三郎毅然請行墮水不

死後以子貴封朝請郎衣服飲食一如平時出入必徒步

不昧賈人託寄之千緡台與其子



宋史京鏗字仲達南<sup>昌</sup>人登進士寧宗時為左丞相曾劾朱熹

湖北志京銓宣德中任臨江府通判江夏人

京城氏見辯證

列子有京城氏之孀妻按亦見路史注

京相氏見英傳傳賢

隨書經籍志晉京相璠裴司空自官秀客著春秋土地志三卷

按酈道元水經注多引之

京兆氏此姓諸書無今補

敦煌實錄敦煌太守京兆諒舉童嬰為上計掾歷主簿功

曹諒卒官嬰送喪道遇寇眾散走嬰以身蔽棺慟哭賊欲

破棺嬰叩頭流血賊義之

荆 見姓纂氏族畧

韓詩外傳崔杼殺莊公荆蒯芮使晉而返將入死之按說

苑作邢蒯菁

史記燕荆軻謂之荆卿按博物志荆卿字次非

國策魏文侯有荆國柎與解狐為怨解狐薦之為上黨守

按韓詩外傳作西河守也韓子作荆伯柎



漢書公孫述騎都尉荆邯平陵人說述遣將發兵  
容齋隨筆引風俗通漢有九江太守荆修

唐藝文志荆浩筆法記一卷浩稱洪谷子按鄭夾漈云漢  
有荆浩非也五代名畫補遺浩字浩然河南沁水人隱于  
太行之洪谷雲煙過眼錄荆浩漁樂圖柳體書漁父詞數  
首

周書荆可猗氏人性質朴容止異人苦身勤力供養其母  
及母喪悲號擗踊絕而復蘇廬墓與禽獸雜處哀感遠近  
大統中鄉人上狀太祖令州縣表異之冢宰晉公護時引  
見與語可沒給養其妻子

後周書荆罕儒王屋令基之子為秦州刺史輕財好施禮  
接儒士子守勳西京武德副使按罕儒冀州信都人為秦  
州團練使唐人夜宴契丹使于清風驛酒酣起更衣久不及  
視之失其首蓋罕儒募人殺之世宗時以功擢至團練使

宋史荆嗣罕儒兄延福孫也勇悍有力真宗時為邠寧環  
慶副部署嗣起行間經百五十餘戰子信貴至內殿崇班  
氏族畧宋太平興國登科有荆伯玠又荆大聲江都人貨  
卜於臨安以明麻入太史局歷靈臺郎終于春官大夫



寶坻縣志荆志洪武初任寶坻縣大興學校豐優廩饌化  
育人材得人比他邑為最

湖南志荆政芳字山甫淑浦人永樂進士任交趾僉事立  
碑禁繳員山之神怪

廣東志荆茂文昌坊人成化進士授庶吉士改御史立朝  
敢言不避權勢巡浙江書清白二字以自勵

明

見南齊明徵君碑南史

摘象輔燧人四佐明由曉升級宋均曰級等差政所先後  
也按一說明由與必育成博隕丘同為戶雒氏之子遂皇

出行由居前為疑由一作繇

琴操楚昭王得和璧使大夫明光奉璧于趙郡中羊申甫  
知趙無反意乃讒之于王曰明光嘗背楚用趙今使奉璧  
何能述楚功德及明光反王怒之乃作歌曰楚明光

經典釋文明式注老子

廣韻山公集有平原明普

按宋書平原高人明玩為州從事明畧為給事中子僧紹  
字休一作烈生元琳字仲璋山賓字孝若梁國子祭酒著

吉凡儀注二百二十四卷禮儀二十卷孝經喪凡服義子



五卷子震字興道亦傳父業官祠部郎餘姚令次子克讓  
字宏道龜筭麻象咸得其妙周成帝時為司調大夫入隨  
與太常牛宏等脩祀議樂著古今帝代記一卷續名僧一  
卷以文學為太子勇所親右庶子劉行本責之山遐字處  
默都官尚書生罕為司空記室僧紹兄僧胤冀州刺史慧  
照弟僧嵩一作嵩青州刺史僧胤子惠照建元年間為巴州  
刺史亦見齊書隨書

後魏書陽平太守明亮字文德平原人清白愛民

魏書劉彧遣散騎常侍明曇徽等朝貢

唐藝文志有明氏世錄六卷明粲作偽燕衛尉卿明爰作  
家訓四卷

唐書高宗時正諫大夫明崇儼偃師人少時父恪為安喜  
縣令縣之門卒有道術儼求教教以見鬼方並役使之法  
並遺書二卷儼能盛夏得雪子珪為秘書郎

金石錄唐佛馱禪師塔銘後序開元十八年李湜撰明乾  
節行書

唐武平一景龍文館記中宗正月五日蓬萊宮聯句有吐  
蕃舍人明悉獵



氏族畧明橐紹興中御史明鎬字化基安丘人登進士歷  
參知政事

元史明善副一蒙古使交趾王贐以兼金明善不受國王  
曰彼受公何辭善曰受者所以安小國之心不受者全大  
國之體

四川志時明舉巴縣人萬曆進士初授峽江令調繁廬陵  
以仁慈著聲明之亂南充人萬曆庚辰進士明輔巴縣人

正德時廣州府通判

湖北志明葵黃岡人弘治中由舉人任翁源縣知縣

甘肅志明燾狄道人正統辛酉舉人任監丞

鳴

見姓纂

說苑趙簡子殺竇犢鳴鐸按一作鳴犢

四川志元至正進士鳴厚德陽人

榮

見風俗通

呂氏春秋黃帝命榮援鑄十二鐘按援一作後

周書王俾榮伯作賄肅慎之命馬融曰榮伯周同姓畿內  
諸侯為卿大夫也按武王臣有榮公

周髀算經有榮方



春秋莊元年王使榮叔來錫桓公命杜注榮氏叔字

左襄二十九年傳榮成伯曰遠圖者忠也杜注成伯榮駕  
鵝按一作榮駕鵝樂聲伯之子也又楚有榮黃勸子玉舍  
瓊弁者注即榮季

大戴禮榮伊問曾子按河圖有榮氏解隨書經籍志遁甲  
開山圖三卷榮氏撰

趙策燕宋封人榮蚩為高陽君使將而攻趙趙王因割濟  
東三城合高唐平原陵地城市邑五十七命以與齊而以  
求安平君而將之

韓詩外傳孔子與榮啟期遇年九十帶索而歌淮南子林  
類榮啟期衣若縣衰而意不慊

史記孔子弟子榮旂字子旗魯人

漢儒林傳榮廣字王孫通穀梁春秋

趙廣漢傳廣漢殺其邑子榮畜初廣漢客私酤酒長安市  
丞吏逐去客客疑男子蘇賢言之以語廣漢案賢賢父上  
書訟罪廣漢坐貶秩疑其邑子榮畜教令以佗法論殺畜  
漢宋思學師題名有榮罷易師

後漢書注臣昭案獻帝分置左右僕射建安四年以榮邵



為尚書左僕射按邵應劭漢官儀作邵為是通鑑亦作邵

曷閭反邵曾官大鴻臚質于李傕營後為司隸校尉獻帝起

居洋邵卒官贈執金吾

晉書武帝時吏部令史榮邵與賈充等定律按段匹磾遣

左長史榮邵奉表及盟文詣建康勸進晉百官名作榮劭

字茂世北平人為清河太守

晉書衛瓘為司空時帳下督榮晦有罪瓘斥遣之後殺瓘並

其子孫又甘卓功曹榮建

十六國春秋晉寧朔將軍榮胡以彭城魯郡叛降慕容儁

段遼將榮伯保為封奕所斬慕容儁將榮國為段龕敗於

郎山

梁書蕭詧求援于魏請為附庸宇文泰使東閭祭酒榮權

使于襄陽

周書榮建緒不附楊堅建緒為周載師下大夫与堅有舊

堅將受禪建緒為息州刺史將之官堅謂曰且躊躇當共

取富貴建緒正色曰明公此旨非僕所聞及即位來朝堅

謂曰卿亦悔不對曰臣位非徐廣情類楊彪

隨書榮毗字子謀無終人為虜州刺史以法緝楊素之左

右父權魏兵部尚書



唐書元吉記室參軍榮九思為詩刺之曰丹青飾成慶玉帛  
禮專諸元吉見之弗悟

氏族畧宋榮禋字仲思任城人父宗範知鉛山縣禋舉進士累官廣東轉運使開板步古河徑作棧道七十間遂為平涂

陝西志榮清字元潔藍田人天順初以材品授內府甲字庫大使遷山東昌樂縣主簿昌多逋賦前官峻急有鬻妻子以輸者清寬限理之皆清署益都壽光蒙二縣亦大治子華字公美成化辛丑進士治鞏息溫縣民刈稼鬥傷之

禍後補無錫有四虎為害祝而補之者三其一復自民曰猛虎猶知約束吾民豈可輕犯後擢御史所至除奸革弊子察字省夫正德丁丑進士歷貴藩左參議治聲赫然

廣東志榮瑄瓊州人三歲而孤與兄瑋並以孝聞天順四年土賊據城瑄兄弟挾母走避瑋謂瑄曰我以死衛母女去瑋與母陷城中官軍至執瑋將殺之瑄趨至叩頭流血請曰兄以世故陷賊願殺瑄主將不察竟殺瑄

榮伯氏見路史

榮叔氏見廣韻路史



廣韻韓有大夫榮叔遇一作過按姓纂作漢有大夫榮叔  
遙

榮錡氏見左傳此姓諸書無今補

榮 此姓諸書無今補

按劉寬碑陰門生名有熒陽榮謙子讓

卿 見風俗通路史

風俗通戰國策有卿秦為魏將軍按史記燕王喜使卿秦  
攻代趙使廉頗破之則卿秦乃燕將

黃香傳河清卿仲遼為詆言太守奏之

泰山都尉孔宙碑陰有門生魏郡館陶卿瑱字仲雅

姓纂唐貞元時郟州進士卿侃望出郟陽

九國志南漢劉鋹有諫議大夫卿文遠為宋潘美所禽  
氏族畧宋卿向學究出身按向一作尚

湖廣志卿文瑞公安人嘉靖進士卿壽公安人永樂舉人

任通判按弇山堂別集以卿壽為昆明人卿文瑞作文端

雲南志卿惟賢昆明人成化舉人任蓬州學正剛介不阿

勤於教諭

湖北志卿朝賓古田人成化舉人任鍾祥知縣

題名錄卿廷參卿悅均廣西灌陽人康熙戊戌進士



縉紳錄嘉慶間桂林舉人卿敏德任富川縣教諭後任梧州府教授又卿祖培士成進士官御史廣西灌陽人

生 見姓苑路史氏族畧

漢有生臨生子

集古印謚國初蓬萊人洪武初以國子生任

氏姓謹生用和蓬萊人洪武初以國子生任桐鄉知縣經

營草昧得其領要生甫申澠池人永樂中桃源縣主簿

河間府志生氏林正之妻三十一歲正之病故之嗣因姑

年邁無依不忍遽死紡績備具甘旨姑沒葬之日願從侍

地下賴戚姻勸止遠近稱之七十歲而卒乾隆十七年旌

表

甥 一作生見風俗通

笙 此姓諸書無今補

修真錄仙人名鳳子與笙璉會于九口鳳子曰余二月丙

子離天汝十一月丙辰離地何相得之甚也笙璉曰降雖

不同而證方之時固當同也于是各以生生二肆之符相

授注云生生二肆長生之秘訣

姓 見路史

黥 見史記



史記淮南王英布六人少時人相之當鯨而王已而坐法  
鯨以刑徒謫輸驪山後王九江及淮南謂之鯨布按布蓋  
姓鯨以厭當之見漢雜事



